

68.

Quantum fieri potest, omnes conventuales eo dirigant sermones, ut latinitate sermonis se invicem recreent et exerceant, abstinendo a verbis nauci (?) et rebus inutilibus, risibus, jocis, putritis et foedis etc. sed potissimum studeant miscere sermones honestos, pios, et conditos sale sapientiae et pinguedine prudentiae, ad aedificationem directos, et ne juniores aliqui scandalizentur.

69.

Facescat igitur omnis profanitas, vanitas, impietas, levitas, rixandi, contradicendi et superbe gloriandi studium: item ingenii ostentationes, susurri, cachinni, explosiones, irrisiones, aliorum exagitationes, multo magis criminationes: item jurgia et . . . mutua, scopus vero sit gloria Dei, mutua aedificatio, sincera aliorum per fraternal directionem coalitio.

70.

Imo et aliorum dicta et facta *γιλορείξεια* quadam et animi malevolentia non accipientur, nec in aliud detorqueantur sensum, sed in illis accipiendo et interpretandis candor et *ἐπιείξεια* adhibenda, juxta regulam charitatis 1 Cor. 13. 4.

71.

Porro in censura morum, cuius supra facta mentio, nullus dissimulationibus, aut assentationibus parasiticis neque affectibus privatis aut praecordiis male informati det locum, sed ex sincera charitate et cum spiritu mansuetudinis mutua emendatio, existimatio et salus quaeratur.

72.

Denique si quid dissidii inter fratres ortum fuerit, tum reliqui omnibus viribus pro mutua inter illos reconciliatione laborabunt ac quantum fieri potest, non prius discedant aut desistant, quam reconciliatio successerit, ne videlicet in publicum hoc dimaneat et scandalum praebeat ecclesiae.

73.

In praesidiis plerumque alternatio olim observata fuit, sic quidem ut ultime praecedentis conventus respondens sit praeses subsequentis conventus.

74.

Conventus tandem finiatur precibus latine conceptis ab Inspectore sive praeside aut pastore loci.

75.

Omnia acta terse protocollo inserta, fratribus praelegantur subscribenda.

76.

Finito Conventu et precibus sanctificato Inspector sive Praeses habeat brevem sermonem paraeneticum ad fratres, quo cohortentur ad